

江蘇府縣志輯

中國地方志集成

蘇州府志
(一)

中國地方志集成

江蘇府縣志輯 ⑦

同治蘇州府志
(一)

江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛

中國地方志集成

江蘇府縣志輯⑦

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 二一六元

1991年6月第1版 1991年6月第1次印刷

ISBN 7-80519-221-9 / K·101

粵惟神禹治河分定九州
禹貢揚州之域嘗磨蝎斗牛
之位列婺女星之分野自泰伯
端委開吳以禮讓立國至言子
北學於孔子而仁義道德之說
益浸淫而充物周秦迄今由國

而郡而州而軍而路而府唐宗
列於繁中其地襟三江帶五湖
東枕大海衣冠文物財賦之雄
為東南一大都會同治十三年
余奉

命來接吳中輟披志系什不存一

然真歎乃議脩江南通志為初
先後有成書者而蘇州府志志
告竣為考百有百十卷均序於
余：惟方志之作本於土訓誦
訓原其生以昭地志遊所忌以
地俗亦雅之才咨於故實所以

敦勸民行誠和庶政也蘇府隸
江蘇布政使為行省領和九縱
橫言過三千里幅幘不廣而較早
甲於他郡

國家承平二百餘年垂髫之僮皆
知翰墨黃髮之叟不識戈矛原

濕之地常得屬豈山海所厚而
殫述于足夸豪好侈崇棟宇
美庖府捐財無益之務廢產
不急之地物盛而衰魚枯生蠹
粵逆之擾雖曰外寇良由內訌
攘以來大吏儉約慎靜與民休

蘇州府志 序

三

息我

主上眷念東南思澤之加吳中尤厚
自經兵燹又普減田賦恤濡於太
平之化者又已垂二十年矣余蒞
任六載夙夜兢兢不懈益勵思所
以厚民生而正民行乃田疇墾未

盡墾頽垣廢址觸目皆是即郡城
而論胥門郭郭曩時列肆如櫛
貨物填溢櫛闕相空商賈輻輳
故老類能道之今則輪船迅駛北
自京畿南達海徼者又不在焉而
在滬矣固時勢為之有不得不

蘇州府志 序

四

然者乎其市貨云集之所綺縠
文繡珠玉玩好星羅棋布駟儉
眈眈或終日不售一售所鬻之少
所得益無贏焉闌闌去虛而戶
鮮蓋歲既庶且富將何道之從
與余中州人也中州少澹澹之利

覽吳郡名國眾流畢贊小支別派
控捕方矣故隆居東南最卑要
而少旱潦之害此其得也瘡痍
之後士女游以遊覽為樂吳都
賦所云珠服玉饌者風靡未革
此其失也至於兵制水陸各陸

蘇州府志 序

五

演放槍礮講射手眼遠矚者耐
非今優而昔能乃創鉅而痛深
鑒於遠者或不詳鑒於近者為
先切後之君子讀是志考誅海思
夫州郡之於置財賦之贏縮塘浦
之通塞兵制之異宜文章之節義

之振發民俗習尚之遷流遂及
於教化禮樂之大務求其所以革
乎所以失以期仰副

聖

天子刻俗型方之至言是則予

與二三君子所共勉也夫

光緒七年四月撫吳使者固始

蘇州府志

序

六

吳元炳序

重修蘇州府志序

吳在周初一小國也自周秦迄今由國而郡而州而軍而路而府遂為東南一大都會其風土之清嘉田賦之蕃溢衣冠文物之殷阜人才藝文之閎偉甲天下攷古者每樂志之而吳中舊志自吳平越絕書趙嗟春秋而後若張勃顧夸陸道瞻王僧虔

蘇州府志

序

一

董監虞世基諸家所紀詳已惜久佚李宗諤撰祥符圖經在宋已亡今所存者惟陸廣微之吳地記朱長文之圖經續記龔明之之紀聞龔宏之續紀聞陸友之舊事陸輔之雜志類皆各紀所聞略而未備南宋范文穆始成吳郡志五十卷明盧公熊繼之更為四十六卷邱公霽史公簡曹公鳳

先後纂輯未及成書迨王文恪以吳文定遺書為準成姑蘇志六十卷網羅遺失掇摭舊文始稱大備矣我

朝龍興以來俊彥蔚起超越旁郡而疆域財賦兵防學校建置增析莫不加隆於往昔且恭逢翠華臨幸

蘇州府志

序

二

宸翰揮灑喬鑠彪炳湖山輝麗實古今未有之盛以及蠲除賞賚諸大政仁恩淵普迴軼曩代皆不可以矢志故盧公騰龍修之於前覺羅公雅爾哈善繼之於後道光初石公韞玉復增訂舊志成百六十卷燦然稱備迄今又將六十年矣歲久事湮無徵不信且地經兵燹之後凡海

防兵制之增設額賦逋糧之蠲免士夫頌
暨之忠義節烈與增學額以勵人文濟河
道以溉農田設義倉以備荒歉他若城郭
官廨壇廟祠宇之次第興修者皆有關於
政治之大風化之始自非筆之於書何以
垂示於將來乎於是中允馮先生桂芬起
而任之徵佚舉墜補缺蒐遺書法懍然協

於史例惜稿粗具先生遽捐館舍賴分纂
諸君詮次排比彙勒成編為一百五十卷
一仍中允之舊書既成乞弁言於余憶余
自奉

命由毘陵移守是邦以迄開藩游護撫篆
簿書填溢絕眇暇晷幸以歷官之久得備
聞中允及諸君按輯之勤未嘗不愾焉慕

之惟是邦迭更瘡痍民氣未復而習俗侈
靡猶狃故常當剋鉅痛深之餘無還真返
樸之實恐靡麗之俗變為虛竭耗蠹之氓
淪於孱荼實有心者之所懼亦官斯土者
之隱憂誠能漸移風尚力持本原慨然以
復古昔為事將使民回易耳目循循向化
陽攝其浮動之情而陰培其純固渾樸之

氣所謂風土之清嘉田賦之蕃溢衣冠民
物之殷阜人才藝文之闕偉日新歲殊不
難上比熙隆之盛是則政教之所關風俗
運會之所繫夫豈僅一邦志乘之光哉余
既歷敘紀載之原流編輯之始末而自慙
尠惠漸濡靡術尤不能不惓惓於是焉

光緒八年仲春月江蘇布政使譚鈞培序

重脩蘇州府志序

海內言地志者官吳郡為最古吳之有志
權輿於吳地記吳地後記吳郡記大輿六
朝唐目前人所作雖其書多亡然散見於
群籍者猶可得其概也至宋范文穆始創
為吳郡志為後來志乘之祖明盧學博王
文恪踵而成書並為海內稱述蓋吳中地
大物博自漢以來為東南劇郡生其地者

蘇州府志序

多魁碩奇偉之士文章政績彪炳千古又
其戶口殷蕃井賦充溢政務填委輒數倍
他郡故掌故日官益而記纂日官難我
朝文治昌明一脩於康熙辛未再脩於乾
隆丁卯三脩於道光癸未同治己巳郡守
李觀察銘皖延中允林一馮先生更為編
緝藁略具而中允歸道山哲嗣申之比部
培火太守賡續之得潰於成畢太守保釐

繼守斯郡又延分脩諸君覆校日期無豪

髮之憾而後已至光緒壬午刻竣蓋前後
閱十有四載矣昔文穆之為吳郡志得郡
人龔頤騰歲周南為之佐猶越四十餘年
始版行於世文恪繼脩吳文定先為之草
創又得杜啟祝允明蔡文朱邢諸賢助之
今太守亦復廣延髦俊晨夕孳孳其用力
之久且勤也蓋如是或者不察謂不免於

蘇州府志序

繁重嗚呼此豈得已哉盧王二志視誌書
倍之康熙乾隆志再倍之道光志又增益
篇歲月愈積記載愈繁今者兵燹之後營
建紛如軍制變易田賦蠲減忠義節孝每
類增數巨冊且舊事之不得不補者又居
十之二雖欲矯而趨於簡其可得乎馮中
允負經世才未竟其用庚申之難創議乞
師為書千餘言其後戡定東南悉符其策

又撰減賦條議當事掾以入告民困曰蘓
 顯志堂稿記兵一篇載入郡志尤具史筆
 是書雖非出一人之手然大旨詳而有體
 足備吳中五十年来文獻應鏞陳臬此邦
 俟焉五載過從銘槩閱竊有以窺其用心
 之所在故持揭之以告世之讀是書者
 光緒九年歲次癸未孟夏署理蘓州布政
 使江蘇按察使廣州許應鏞謹序

蘇州府志

序

三



重修蘇州府志序

粵夫采風問俗輶軒成太史之書攷獻
 徵文志乘備職方之選胡兵戈之後典
 物重新率由雖本舊章經畫實同創
 始纂修增輯勒為成書官斯土者之
 責也姑蘇控三江通五湖土田膏腴物
 產饒沃歷代以為行省政教所被居列
 郡先聲明文物之盛甲乎海內我

蘇州府志

序

一

朝休養生息繁富日增而文武衣冠之
 盛鸞森纂組之工琳宮梵宇之清幽勝
 水名山之襟錯以及闕河之衝要塵市
 之駢闐真東南精華之府也康熙乾隆
 兩朝屢荷
 六飛巡幸其時
 翠華臨駐
 天藻賡題庶徵集而物阜年豐元氣

培而家給人足熙、皞、稱極盛焉迄嘉慶道光朝二百年中凡三脩府志舉凡郡中山川道里風土人物與夫累朝蠲賦減賦

省方觀稼諸大以備載於舊志中咸豐庚申粵匪下竄彤天一炬赤地千里問故家之舊本盡沒蒿萊坊屬邑之圖書胥歸劫火舊志銀板亦蕩然無存

蘇州府志

序

二

矣自相國合肥李公被

命巡撫以一旅之衆轉戰而前激潰兵為貔虎之師奪殘黎於緜綸之口遂克省垣開軍府招集散亡墾闢荒穢朝廷倚允李公請減蘇糧三之一吳民望風來歸者如鶩斯屬迺裁營勇以歸標定漕運以行海修水利而資蓄洩增屯戍以固樊籬以令之可更考更之

當仍者仍之同治八年始得開局修志於是禮者賢招英俊經羅放失纂述紀聞優之以膏火寬之以歲月務臻詳贍足示來茲余時以道負經理善後每當修廢舉墜致古証今未嘗不歎前人締造之艱而規復非一日事也今夏奉命權集使篆適新志告成司局事者陶筱農太守問序於余自維謏陋逆前官

蘇州府志

序

三

輒皆在江以北後雅借籌善局而規模展定愧無建白今得附其名於篇末余之幸也至後之官斯土者博覽是編舉凡郡中山川道里風土人物與夫所以沿革之故剖析源流甄別同異融會貫通若指諸掌則所以福吳民以為列郡先者當必有在徐而俟之雅以復昔日全盛之蘇郡善難也時光緒七年歲

次辛巳小陽月上浣
賜同進士出身署江蘇按察使司按察
使五河郡雲鶴序

重脩蘇州府志序

禹貢職方志之權輿古以為制治之要莫先於此宋元以後體例日繁而命意之本原漸失然後之人徵文考獻亦有取焉故功令通志三十年一脩其大者田賦水利兵制沿革而次及於人物蘇府賦額尤重松次之常又次之光緒五年余由常量移蘇郡閱三年而府志適成維時陶子寅農董劄劄之後工竣問序於余余喜是書之成而不敢有其功也爰為之述其顛末而推本古人作志之意以復於同事者曰大學言平治之書而終之以有德有人有土有財有用哉

朝德澤洋溢民穀物阜土地之廣而財賦之雄東南之都會則以蘇州所屬為甲於他郡夫民惟邦本而利用乃以厚生水利所以生財用也兵制所以衛財用也要非本之於德不足以德

是四者

國家承平二百餘年蠲緩之詔史不絕書戡亂以來普減蘇松賦則茲斯去者宣上之德興脩水利沾被兆姓講求兵制防患未萌奉揚仁風益以光大是則志之所緣起而不失手禹貢職方之本旨也論者或斷之於人物一門竊謂沿革大政有繫民生所宜煌煌大書以資考鏡故有待於脩若人物固考獻所不遺蘇郡賢哲代生

蘇州府志

序

二

前之輯有成書者體例已善後賢輩出弟有係於績取其公耳取無濫耳非必專注於此以為志無大於此者也溯舊志脩於道光辛巳閱三歲告成是役也同治己巳開局迄光緒丁丑脫稿倡始於李公薇生中更數手都人士各履所長闕者補之訛者訂之迄今又數易寒暑始克付梓何難易遲速之懸殊歎蓋昔人承乾嘉隆盛之後典章圖籍燦然具備故事

易而工速自粵逆肆擾歷有年所故家藏帙無復存者舊版六灰於兵燹而欲網羅散失採摭成書有不能剝期歲事者時勢殊故難易殊也茲輯分一百五十卷視昔加詳余來蘇最後而得先覩為快何幸如之惜乎簿書期會之煩日不暇給不克終始卒業賴與是役者任纂校之勞費十餘年之日力以成是編余不敢掠美以為己功也若夫脩志之本意余尚

蘇州府志

序

三

樂與諸同人道其詳云

光緒七年秋九月知蘇州府事涪川畢保釐謹序

重修蘇州府志序

余於同治初元欽承

恩命來守是邦正值兵燹之餘一切善後事宜如修輯學校城垣建立書院公署倉庫等皆奉憲委次第舉行惟郡志一書溯自道光三年纂修後已越四十餘年其間復遭髮逆之亂凡一郡之文物掌故損益廢興以及忠義節烈之足以風世厲俗者烏可勝道若歷久無書必致湮沒不彰是亦守土者之責也爰告之中丞方伯敦請馮景亭宮允免以總纂之任宮允余同年進士也於學無所不貫及門多博雅淹通之士因是彙萃羣賢采訪修輯殫心竭慮各盡所長於同治八年開局纂修至十三

蘇州府志

序

年夏將及成書而宮允遽歸道山令嗣申之比部克承父志繼總其成越兩年而書以脫稿適余奉觀察安襄鄖荆之

命屈指以來歲閱七稔成之之難也如是蓋書本繁重又洵經兵革文獻無徵蒐采不易故歷年綦多然較之吳郡志逾四十年而梓行始蘇志歷三十餘年更六七郡守始成者遲速亦甚懸絕矣嘗攷蘇州志自范盧王三志後惟乾隆時郡守雅公所修為最善以故宮允定議體例悉遵乾隆志而略為變通卷分一百有五十為門三十有三其中如人物不強判標題而統為分縣序代各傳必以正史為主而旁參他書田賦科則統排為表而使閱者一目瞭然藝文冢墓必重加攷證貞孝節烈則廣

為授羅凡此皆審慎精嚴獨具手眼誠足以匡文體溯史裁媿美於范盧王三志者也余守是邦前後已十有餘年深幸與此邦人士若有夙緣惟自慚政拙曾無利澤及民而於將行之際獲覩是書之成俾得署名簡端傳之久遠尤幸事也而申之比部淵源家學慎始圖終克續先人未成之書并不負余鄭重誣誣之意更得諸君子孳孳矻矻博采廣搜得成為一郡信史是不第余之幸又重為是邦幸也因就纂修始末撮其大要而為之序云

光緒三年二月二十日

賜進士出身

蘇州府志

序

誥授資政大夫二品頂戴湖北安襄鄖荆兵備道前蘇州府知府中州李銘皖謹序

修志凡例

一 南巡爲我 朝曠典康熙志創

巡幸門以紀其盛乾隆志省之道光志復之復之是也從道光志

一道光志又創立

宸翰門全是

巡幸時頒賜諸名勝及本籍臣工者末附三條則與

巡幸無與今依康熙志分附各次

巡幸後不別立

蘇州府志

凡例

宸翰一門

一 舊志各圖粗存大略方位遠近皆不可據咸豐初蘇城以

防堵繪圖始用新法履地實測成九邑全圖同治初奉

旨繪蘇省全圖郡設輿圖局亦因其法皆視舊圖爲準今參用

兩圖縮繪入志局圖山水橋梁坊巷等名多用俗呼以取配目今仍之

一 各圖全府一總圖外至各縣宜詳載村鎮幹支各河道限

於方幅故酌分二三四圖

一 各圖皆縱十三格橫十八格至每方若干里及若干步則

各圖不同吳縣六里五十五步長元八里一百六十六步

崑新六里五十五步常昭八里一百六十六步江震六里

三百二十二步

一 郡城圖宜詳載坊巷河道亦限於方幅故用吳中水利全書舊式於總圖之外分作四圖

一 舊志有名勝各圖無關典要茲省

一 舊志田賦枝葉繁蕪而每畝應輸米銀之數閱之終篇無

人能曉茲據癸亥減賦新定科則九縣列爲一表庶幾一

目瞭然仍附舊章於後以備參考

一道光志軍制門不攷見在弓兵額數而轉臚舊制輒列入

久已裁省之橫金巡檢等官皆沿前志之誤若此之類茲

皆一一攷正

蘇州府志

凡例

一道光志職官門於通行摺紳所刊元江青縣丞太湖廳司

獄皆不著而轉列久已裁省之蘇州府經歷崑山縣主簿

姑蘇平望兩驛丞闕者駭之今一一攷正

一 舊志名宦各小傳詳略彼此懸殊未免不倫今略加增刪

大氏於官蘇時善政從詳餘則但存大略

一 明代名宦人物明史有傳者自應以明史爲主然後參用

他書舊志殊有不盡然者推其故則以康熙志在未頒明

史之先不得不引用他書乾隆道光志因而不改遂致兩

歧若此之類茲皆一一攷正

一道光志人物分爲十類雖本通志而所分實難盡允而於

諸人中別出名賢則尤不允茲從乾隆志但分縣不分類
新縣歷時未久人數自少故不均本無取乎均也

一舊志寺觀為二門列壇廟之次今并為一以就簡要

一他郡邑志多有合兵防兵事為一門者今從之省去舊志

記兵一門

一道光志於藝文之外別立文集詩二門今從乾隆志例
仍分綴各門之下

一道光志按語間有全襲舊志原文者殊乖體例今引用皆

溯其原本著之不淆混

一本姚宏補注戰國策及吳郡志體例用注中注

蘇州府志

凡例

三

修志姓名

提調

二品頂戴湖北安襄鄖荆兵備道前蘇州府知府李銘旣

前署蘇州府知府蔣啟勛

前署蘇州府知府方德驥

調署蘇州府常州府知府譚鈞培

監局

前蘇州府儒學教授方其洪

蘇州府儒學教授方注

蘇州府儒學訓導包桂生

蘇州府志

修志姓名

一

總纂

三品銜四品卿銜詹事府右春坊右中允馮桂芬

分纂

歲貢生就職訓導潘錫爵

廩膳生胡元濬

歲貢生就職訓導雷浚

廩貢生李齡壽

廩膳生徐誦芬

五品銜試用教諭郭文標

試用訓導前署青浦縣訓導張瑛

增	廣	生錢榮高
優	貢	生徐敦仁
恩	貢	生熊其英
舉		人趙鈞
舉		人柳商賢
舉		人王頌蔚
舉		人葉昌熾
歲	貢	生成就
同	知	導管禮耕
附	衙	導施紹書
	候	生徐廷棟
	選	
	訓	
檢校		
副	貢	生府晉蕃
附	貢	生潘世昀
翰	林	
院	孔	
目	銜	
銜	候	
選	訓	
導	殷	
詒	穀	
舉		人丁士涵
副	貢	生周圭
歲	貢	生沈清範
廩	膳	生袁寶璜
采訪		
孝	廉	正金蘭
	方	

蘇州府志

修志姓名

二

湖	北	候	補	道潘其鈴
廩		膳		生徐家疇
廩		膳		生楊引傳
翰	林	院	額	外
待				詔陶煦
六	品	銜	候	選
按				察
司				經
歷				陶
燾				
太	倉	州	監	生沈嘉澍
廩				生馮應圖
監				生華耀鑿
附				生張藻翔
附				生孫文楷
收掌				
附				生夏從錫
董事				
同	知	銜	湖	北
候				補
知				縣
黃				禮
禮				讓

蘇州府志

修志姓名

三